



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catalogvs Catholicorvm S. Scripturæ Jnterpretvm, Serie
Librorvm Biblicorvm**

Schottus, Andreas

Coloniae Agrippinae, 1618

Andreas Schottvs Antverpianvs. S. I. Pio Lectori.

urn:nbn:de:hbz:466:1-34853



ANDREAS SCHOTTVS ANTVERPIANVS. S. I.

PIO LECTORI.



ET VS hæc, fateor, Tractatio est, ut de S. Scriptura & Interpretibus accuratè queratur: at ea est à nobis nimium quantum, studio iuandí sacrarum litterarum studiosos, aucta, & à posteris, qui hanc ipsam spartam exornare pro virili conabuntur, cum Deo augenda. Nos hoc interea Catone, quod auxit, contenti acquiescamus. Magus quidem Cassiodorus, ex Senatore Monachus eruditus, duos de Divinarum litterarum Institutione libros dedit, sed inchoauit verius, viamque muniuit, quam absoluit: cui à se reperto, & euulgato auctori quædam appendit Plantinianis typis Iacobus Pæmelius Theologus Brugensis, & è Canonico atque Archidiacono designatus Andomaropolitanus Episcopus: cui & B. Cyprianum, eoque antiquiorem Tertullianum egregie illustratos in acceptum ferre debemus. In Vbijs quoq; Coloniæ Agrippinæ, Catalogus Commentatorum veterum in vniuersa Biblia olim exiit. Noti sunt etiam Sixti Senensis, Dominicæ familiae excellentis Tractatoris Bibliothecæ sanctæ libri octo, ad Pium V. Pont. Max. pientissimumque ex eadem familia Religiosum eruditè conscripti. Neque ignoro existare & alios Catholicos. Nam & Ant. Possevnum Mantuanum, Societatis nostræ theologū, præter selectam Bibliothecam, Apparatum quoque sacrum bonæ Ecclesiæ publico adorasse, memini. Romæ quoque vidimus Iosephi Roche, Eremitæ Augustiniani, De Sanctis Patribus editum libellum. Horum potissimum Catholicorum laboribus plurimum adiutum me esse gratanti animo pro me fero: Methodum tamen diuersam paulo secutum me, Capitibus distincto Catalogo, facile animaduertes, reperiesque è lemmate seu titulo. Verum, qui extra Catholicam Romanam Ecclesiam leguntur, Indices, & Elenchos Theologorum in sacra Biblia, ne inspicere quidem libuit: vt sunt quæ Tomo altero confarinavit olim Gesnerus, hereticus, & quæ nuper extrusa est, Classica Bibliotheca Alphabeti materiarum serie. Quæ legant, qui pice inquinari, & venenum haurire gaudet. Casta placent superis. In hac Catholicorum serie nec semper ob Alphabeti ordinem à recentioribus veteres seiungere, nec Græcos à Latinis segregare potuimus. Præstantiorem tamen in suo quemque genere asterisco affixo notandum censui: his alij, cum delectu tamen, arbitratu suo adnotabunt alios. Libris non extra omnaem controuerſia aleam positis noram apposui, sed rarius, cum & iudicioru varietatem, tam quod operis huius officium sit, non censere, (vt abunde Possevinus solet, Indexque Expurgatorius) sed recensere Catholicorum scripta: neque extra chorum, aiunt saltandum turpiter,

A 2

tor,

Cod. 2. 2. 18

ter, in animam induxeram. Nunc breve eiusdem Sixti Senensis, de Diuinarum Scripturarum Interpretibus antiquis, de libro 3. extremo Bibliothecę sacrę cōsiliū, sententiamque metro (exemplo And. Alciati in Parergis de Iuris interpretibus:) comprehensam apponere non grauabor. Tu, Lector sodes iudica.

HISTORIAM è Gracis & Hebraicis fontibus haustam
HIERONYMO discēs duce.
ALLEGORIAE, Anagogēq; recludent,
ORIGENES, AMBROSIUS.
Exponent sensus formandis moribus aptos
CHRYSOSTOMVS, GREGORIUS.
In dubijs altaq; locis caligine mersis
AVRELIVS lucem feret.
Et breuis & facilis non est spēnenda tyroni
LYRENSIS expositio.

SED tyronum in gratiam rudiori quod aiunt Minerua $\mu\alpha\gamma\delta\epsilon\tau\omega$ hæc expla-
mus. Igitur cum Scripturæ sacræ (qui fons est omnis veritatis) sensus sit vel Littera-
lis, seu Historicus: vel Mysticus, ille rursus aut Proprius est, aut Metaphoricus; hic ve-
ro Mysticus rursum triplex est: Tropologicus seu Moralis, Allegoricus & Anagogicus;
quem vno hoc disticho populari memoriæ gratia sic complectebantur:

Littera gesta docet: quid credas Allegoria.
Moralis, quid agas: quo tendas Anagogia.

Vel sic breuius rem omnem typo complectamur.

Littera seu hist.	Factum	Historicè, ciuitas terrena.
Tropologia.	docet Faciendum	Tropol. anima fidelis.
Allegoria.	quid sit Credendum	Allegor. Eccle militatis
Anagogia.	Apperendū.	Anag. siæ triūphatis

IN his Sancti Patres Græci, Latiniq; excelluerunt. Hieronymus quidē Historiam ex-
Hebraicis, Græcisq; fontibus haustam docet, instruitq; Epistolis & in Prophetis.
Chrysostomus & Gregorius moralia concionatori docte & eloquenter proponunt.
Origenes & Ambrosius docent Allegorijs & Anagogijs eruditè. Agustinus denique in-
dubij, locisq; intellectu difficillimis lucem adfert, & cū Hæreticis acerrimè pugnat.
Thomas & Bonaventura solidam præbent, cum Methodo doctrinam. Vale in Domi-
no.

C A-

